Нерэзытыә буозу

Тясәзыби", куниа басәбса ңанасанә" корçә терә, иттүо бәнди" ңанасанәй танде" терәтини, ңонә хелиде" ңиле мәнүтүң" (правайтиң) иттү бәзәтуобса тохитәны, хунтәмәны буобса, бәнде" ңанасанә"дя иттүо хетәгәә нилу; ңонә

тясәзыби", куниа нинту" тясәзыбся ңонә ноңхомәны ибся ңанасанә" ңиле мәнә"дя (к правам) тәза"а" номбә" кәрçу", курәди" болуатүгуйтү" ңанасанәй сяру, ңонә мелызәби" тәрәди хетәгәә нилу, кунини ңанасанә" хонсызә" няндятуо" буозу" ңонә манү"тәбса, нисызә" хыләдятә" ңонә мәңкәәмәны нилы", дебтурусү" хирәгәә ңанасанә" мәнә ися; ңонә

тясәзыби", куниа ңанасанәй ңиле мәнә" (права") муунтабү" мынту кәмиабса законәтәны, нинагәты ңанаса нонсу" ңизи"тихиасы ңиле мәнүтү (правайтү); ңонә

тясәзыби", куниа ңанасанәй танде" хелы"сыңы" нятүң сүөарүрңү" дүзытәндың; ңонә

тясәзыби", куниа ңанасанәй танде" иттүо" Сунә 5уомтумәә" Тандейтәны (Объединенный Нациятәны) ңанузумтудүо" Уставатәнынты иттүо" ңиле хүнтүрүбсятүң ңанасанәй ңиле мәнә"дя (права"дя), ңанасанә корçә ңүназәйдя, денсиде" ңиле мәнә"дя (права"дя) куодүму ңонә ны дермәәны тәмәәны сытың мундүсуо" хелысыбсяниимәәны социальный прогрессетәны нягәй нилынягәтың няндя"са; ңонә

тясәзыби", куниа бәнде" ңанасанә" дильситини" корçә нонә норы тәндәй ниле мәнәй (этих прав) нонә няндябса" хонты тетуа ани" ә тору дүлсынагә әмә сиәр,

Генеральная Ассамблея

дебтазату нануо

Бәнде" нанасанә" дязыкүдя иттүо декларация нанасанә ниле мәнә" (прав) нерутәты хуантәту дямәләкә кәрçу, курәди түүнянтуну" бәнде" нанасанә" танде" нонә государства", тәндә дязыкү курәдите нанаса кәтти курәдите общество терә, сәңүрса әмә нануо Декларациядя, кәрбулохазәйтә" тенымтыгуйся нонә хозатәбса сәрәәмәны тәндә" права" нонә няндябса" нягәй бәндети тенырынагәтын нонә митәбиазә" национальный нонә международный прогрессивный сәрәәмәны, бәнде" нанасанә" танде" нонә государства-терә организация тенырынагәтын, тәндә комәәны моу терә" иттүо" юрисдикциетәнынтын.

Статья 1

Бәнде" нанасан " нәтук әнды" нендя "туо" нон э хонсы хелиде" ниле мәнәй (правай). Сытын хонды" ниле нонда нон сяру, дүзыт әндын ихүтүн няг ә " сү ө арус ә".

Статья 2

Курәдите нанаса хонхиты мынту ниле мәнү"тү (правайтү) нонә няндябсатү,

хозүтүө" нануо Декларациетәны, нисы сәңүрә": курәди нанасанә" тансәгәтә иммә, курәди сябыты кухуо, куодүму кәтти ны, курәди ниле нәтумиамуо сиәдеты, курәди нуодя хүнтүрүбсязы ину, курәди политикә нәзу камяну, курәди нанасанә тансәдя ину нонә курәди нәтумиамуонту сиәр: нүня" кәтти мәнкәә" иху" тагәбтәә" ирити, имидити.

Тәндә комәәны ниби" нягәә сәңүрә" хунсә" политический, ңиле мәнәнтәнунты иттүо (правовой) ңонә международный моунты статусәдя, кунини нилыңы ңанаса нисы сәңүрә" хундялтуо кәтти камя"лутуо тәндә" моу".

Статья 3

Курәдите нанаса хонты ниле мәнә (право) нилыбсядя, няндябсадя нонә нинту" ментизибсятыдя.

Статья 4

Сылыгалите нибити нягәә сиба"тәру", сиба"тәрубса ңонә тамтарубса сиба"тини нинту кунитены нягәә кәрçу.

Статья 5

Сылыгалите нибити мынту хоси"тәры", сиба"тәру", хеттибтыгуйли" нәмбәниизә.

Статья 6

Курәдите нанаса, кунитены нибити нуо", хонхити нягәә ниле мәнә (право) нилутыниимәны

Статья 7

Бәнде" нанасанә" хелиде" законатәны нонә хонды" ниле мәнә (право) нисы сәңүрә" нинту" хелиде" низисибся"дя итүо" тәндә законәтәны. Бәнде" нанасанә" хонды" ниле мәнә (право) хелидемәәны низи"силинягәтын дискриминациегәтә, нинту" нәзү"лутүө нануо Декларациетәны нонә хунсә курәдите номү"тәтуо тәрәди дискриминациядя кәрсу.

Статья 8

Курәдите нанаса хонты ниле мәнә (право) низи сибся- нимәәны ниле мәнүнтү (правайтү) бәнтуны иттүо суда тини кангә мәнтизилибити ниле мәнүнтү (правайтү), күниә нәзүлүнантә конституциетәны кәтти законәтәны.

Статья 9

Сылыгалите нибити мынту камя"лу" нанасанәйгитә хунде, мәрки"тәры", хундямтялыры" нонә сиба"тәру".

Статья 10

Курәдите нанаса, нанузумтукуся ниле мәнүтү (правайту) нонә нанузумтукуся уголовный сиәрәмты, хонты ниле мәнә (право) мелызәсыәдиәзы сиәрты катемәрунагәту нәзи"тәтыә нонә няндя"туо судәтә.

Статья 11

Курәдите нанаса, лага"тарутуо курәдикүө сиәртәны, хонты ниле мәнә (право)

ңизи"сиси сиәркали исямту тәә түбә каңгә сыты сиәрту ңәтәурусүзү" законә нәзутуө судәтә, кунини сыты низи"силисизи".

Сылыгалите нибити мынту номтәбтуру" нинту" мелызасыәдейты сиәрниизә, тәтти сиәр ихү" сыты ниле тандеты кәрçутини нинту номбә кәрçудя иттүо. Нибити мынту тәндә кәрçуниизә тетуа ани"әмәны кәтти бәзәтуомәны хоралу" тәндә дялыгәтә каңгә иху мелызәмәә тәтти кәрçу.

Статья 12

Сылыгалите нибити мынту хүтүтә" хунсә нанаса корсәтә кәтти ниле тандетә, нибити мынту ментизи" тәндәты мазә, тәндәты тиидятуо" хотүрә кунсыны иттүо" кәрсу", Курәдите нанаса низи"силибити мынту законатәны тәрәди" ментизибсягитә.

Статья 13

Курәдите ңанаса дөзүрхүтү мынту тәмәәны кунимәны кәрбуңу, нилыбити мынту курәдите хутиәзы моунтәны.

Курәдите нанаса хонты ниле мәнә (право) дүбәәнантибити курәдите моу, ниле нәтумиамуо моумту, тәгәтә хонты ниле мәнә (право) хурсәбса кәрçу моунтудя.

Статья 14

Курәдите нанаса хонты ниле мәнәмты (право) хууләбити лүнкүрүбсянәзәмты хунсәә" моу"мәны нонә хонты мәнә тороубтуса тәндә лүнкүрүбсянә.

Тәтти ңиле мәнә (право) серәрыгәтызә" тәә түхоны, каңгә тәнерибся кәрçу тохитәны нинты ңуо" политический сиәр,кәтти лыку дүөайтетуо неру" нонә дямәләкә" кәрçу" Сунә 5уомтумәә" Тандей (Объединенный Нация).

Статья 15

Курәдите нанаса хонты ниле мәнә (право) гражданстводя.

Сылыгалите нибити мынту койры" гражданствогали ноно көрбүбүтү нутумөө" гражданствамту.

Статья 16

Нимбымтыә" куодүму" нонә ны" хонды" ниле мәнә (право), нисы сәңүрә" курәди нанасанә тансәгәтә иммә", курәди сябытың нәзу, курәди нуодя тялирнү", нуомтаса кәтти мяйзасы, мелызәсы ниле тандемту. Сытын хонды" хелиде" ниле мәнә" (права") нуомтаса кәтти мяйзаса, нуойтены нилыбся нонә тарумса түхоны.

Тансә тәттирә ңануо ңонә мәңәзә обществә хелыә, куниә ңизисилибити мынту обществатә ңонә государстватә.

Статья 17

Курәдите нанаса хонбити мынту (право) ниле налирә" кәтти ну"озә налирә" хунсәй нанасанәй нану.

Сылыгалитендә нибити мынту (право) ментизили" тәндә" налирә".

Статья 18

Курәдите нанаса хонты ниле мәнә (право) нендя"туомәны сынерырся, сяру нонә ниле тандету нуо (религия); курәдите нанаса хонсызә хүнтүрүбся тәрәди нуодя, курәди хуйны, хонсызә ниле камя"туо манү"тәбса, ниле нәтумиамуо" хүнсерәә" кәрçуодей.

Статья 19

Курәдите нанаса хонты ниле мәнә (право) нендя"туо манү"тәбсадя, дебтазабса тәндитин кангә кәрбуну; тәтти мәнә (право) тәзү"тәту нендя"туомәны дебтазабса манү"тәбсатү, курәдите дүрымы", буозу" нисы сәнүрә" курәдите государственный границедя.

Статья 20

Курәдите нанаса дөзүрхүтү мынту куниа кәрбуну: курәдите хетәгәә" нунуоза"дя, нанасанә нунубсанә"дя (ассоциаций).

Сылыгалите нисизи" хүтү"тәру" ассоциациетә мәнәнту нисы тәлибтири".

Статья 21

Курәдите нанаса хонты ниле мәнә (право) управляйрмүнтә моунтәнынты кәлубтүмәә" нанасанәй таккәмәны.

Курәдите ңанаса хонты ниле мәнә (право) денсидемәәны хунсәйнану нәйбәумунтә ниле моунты государствә" службатәны.

5анасанә" тансә мәнә ихүтү мынту нягәә правительство нузабса тохи; тәтти мәнә нәтәрәбтугуйхүтү мынту хүөти" мелы"сырытыә" натү"дятини, курәди" мелы"сырыбитиң мынту тиидялутуо" голосованиентәны кәтти хунсәәмәны кунини голосовайрся нанаса хонсызә ниле мәнә.

Статья 22

Курәдите нанаса, общество терә ихүтү, хонты ниле мәнә (право) социальное обеспечениедя нонә хунсәә" правә"дя, тәзу"тәтуо" няндятуо бәзуатәбса сыты ниле мәнүтү (правайтү) экономический, социальный нонә культурный сунәнтини нанасанәй танде" нонә международный сүөарубса курәдите государство таккәмәны.

Статья 23

Курәдите нанаса хонты ниле мәнә (право) нәйбәузадя, няндя"туо натярубса нәйбәузадя, тәны кунини кәрбуну, нягәә неими" нәйбәузату ситтямәны иттүодя нонә низи"силибити мынту нәйбәузагали иттүо кәрçугәтә.

Курәдите нанаса, нисы хундялтарыби", кәмүзүхүтү мынту хелиде денси", хелиде нәйбәузаниизә.

Курәдите нанаса кәмүзүбүтү мынту нягәә нәзи"тәтыәә мазайсүө кәтти денси нәйбәузатуниизә, куниәә"мәны нягәй нилыбиазәә тандетунану кәтти нонәнту нонә хелы"сылибиазәйзә нягәй хунсәй социальный обеспечениятәны нилынягәты.

Курәдите нанаса хонты ниле мәнә (право) нунүнтәбса нәйбәузә" сунә" (союзә") тиитәсы тәндә" сунәти" (союзәнди") низи синягәты ниле мәнүтү.

Статья 24

Курәдите нанаса хонты ниле мәнә (право) ниибтүгуйсядя, хүтүдя ниле мәнә (право) тәни нәйбәуза" дялы кәри нонә денси хонтыә хүө бәухү" ниибтүгуйся.

Статья 25

Курәдите ңанаса хонты ңиле мәнә (право) тәрәди нилудя: ңомсу", дембиа", леккырә" нәтәубса ңонә хунсәә" нилыбся кәрçу"дя, курәди ихүтү нягәә нягәә нилыбсяты ңонә тандеты нягәй нилыбся дязыкү, хонты ңиле мәнә хелы"сырынягәты нибити ңәйбәу", дярәзыкәбити, мусанумхүтү, сырумхүтү, бәйка"имхүтү кәтти иниа"имхүтү, басагалимхүтү ңонә ңәтумхи" хунсә" кәрçу" нинту" хезытытыә" сыты сәмырыгәтәты.

Немы ися коныбся нонә дяхүрка ибся хонәйти" ниле мәнә (право) нәзүлүнагәтун нонә хелы"сылинагәтын. Бенде" нүо", нәтумтыә" нуомсуоде тандәтәны кәтти нинту" нуомсуоде тандәтәны, хонхитын мынту хелиде низисибся.

Статья 26

Курәдите нанаса хонты ниле мәнә (право) хозатәбсанимәәны. Тенымтыгуйхи" мынту денсигали, тәтти кәрçу мәнәзәмәәны ментизити нерәбтәә нонә бәнде" дязыкүдя иттүо тенымтыгуйся. Нерәбтәә тенымтыгуйся ихүтү мынту бәнди"дя итүо. Техника нонә нәйбәузадя иттүо тенымтыгуйся ихүтүн мынду" бәнде"ти" түүтәрутуо", ани"ә, бәнтуо тенымтыгуйся хелидемәәны түүрүбүтү мынту бәнде" кәрбутуоти".

Тенымтыгуйся ихүтү мынту хезытытыә бәнде" нанасанә сәмыры бозуатәбсадя нонә нукагимти куйтиә бәндети нягай тенырыбся, хүся"лубса, дильситибся нонә тенынбся ниле нанасана мәнә" мәнәзәмәәны няндябсянимәәны иттүо". Тенымтыгуйся ихүтү мынту хелы сытыә нятүн сәмәры теныбся, сүварубся бәнде нанасана" дүтымәны, курәдите нибити нуо" сяхытин кәтти хүнтүрүбсянутүн нуодя, хелы сыбити мынту Сунә Буомтумәә" Тандей (Объединенный Нация) камя са нягимтүгутүой кәрсуй.

Нуо" деди" хонты" ӊиле мәнә (право) натярса, кунини тенымтыгуйсизитә" сиәнә" нуотиӊ.

Статья 27

Курәдите ңанаса тороубүтү мынту ңанасанә" танде культурный" нилутәны, нялтәбити мынту хүнсерәй кәрçуодейдя участвовайрхүтү мынту научный прогрессетәны ңонә тороубтугуйхүтү тәндәты ңүнязү".

Курәдите ңанаса хонты ңиле мәнә (право) ңизисибсядя сәмырыты, мәненсәкүтү, куниә" иңу" научный, литературный кәтти художественный ңәйбәузатинунту, курәди" сыты ңиле мелызасыәдейти.

Статья 28

Курәдите нанаса хонты мәнә (право) социальный нонә международный нәзи"тәбсадя, курәдитәны ниле мәнә" (права) нонә няндябса", хозүтүө" нануо Декларациетәны, бәнде" дүлсырыбитин мынту.

Статья 29

Курәдите нанаса хонты мәнә" (обязанности), нондитыә" нанасанә танде нерәны, кунини ниле сәмырыты няндя"са бозатәсузә.

Мелы"сыса ңиле мәнүтү (правайтү) ңонә няндябсатү, курәдите ңанаса нонсубтырибити мынту тәәтүхораны, каңгә сыты мелысыкәсытә тәрәди кәрçу, нинтыә нөльхү"күрү" законәтәны ноңхәмәны иттүотуниизә ңонә дүөайтетуо ңанасанә" тандей нягәй ңәзүлүбсямтуң ңонә миттәбсямтың бәнсә маа хутеемтың ңонә нягәй нилыбсябтың демократический обществатәны.

Мелы"сыбся тәндә" ңиле мәнә" (права") каңкәгалите нибитиң мынту Сунә 5уомтумәә" Тандей (Объединенный Нация) неру" кәйнимәәны коны".

Статья 30

Маагалите нануо Декларациетәны иттүо нибити мынту дебтуру", милитиә мантә курәдикүө государствотә, сунә"тә кәтти нанасанә" сунә"тә кәтти бәзәлтуо" хорү"ти правә мелысынагәтын тәндә нәйбәуза, хезы"тытыә сымбабтыгуйсядя правә" нонә няндябса", хозүтүө" нануо Декларациятәны.